

January 2016



UNIVERSITI
TEKNOLOGI MARA
SARAWAK

71st
ISSUE

info kampus

UITM SARAWAK BULLETIN



UNIVERSITI TEKNOLOGI MARA
MENJANA TRANSFORMASI AQLIYYAH 2015

23 Disember 2015

Penjuruan Fakulti Kejuruteraan Me'kikal



UiTM Transformation
Program

ISSN 2232-1576



9 772232 157005

UiTM SARAWAK JOHAN KENPALANG DEBATE OPEN SIRI 4

Oleh: Mohamad Syafie bin Hamdin
dan Mohammad Amirul Haziq Annuar

Universiti Teknologi MARA Sarawak muncul sebagai juara debat apabila berjaya menewaskan Universiti Malaya, Universiti Kuala Lumpur dan Universiti Sultan Zainal Abidin pada pertandingan akhir *Kenyalang Debate Open* yang berlangsung di The Regency Rajah Court Hotel. Kejayaan ini merupakan kemenangan julung kali UiTM Sarawak sejak 4 siri penganjuran bagi pertandingan dwi tahunan ini. Pada siri sebelumnya Universiti Malaysia Terengganu, Universiti Islam Antarabangsa Malaysia dan Universiti Teknologi Petronas merupakan johan siri 1 – 3.

Pasukan yang diwakili oleh Mohamad Amirul Haziq Annuar (BM 242) dan Mohamad Asyraf Bin Che Ibrahim (AT220) membawa pulang wang tunai, beserta trofi iringan, hadiah dan sijil selain piala pusingan berkenaan. Pasukan Universiti Teknologi MARA Sarawak yang bertindak selaku Kerajaan Pembuka dengan usul "Demi kematangan demokrasi, dewan ini percaya Malaysia memerlukan pakatan politik ketiga" telah dibimbing oleh Penasihat Kelab, Cik Leelajini Jothy A/P Paranjothy, Puan Dayang Zarinah Binti Awang Bohari dan Cik Christine Jacqueline Runggol. Kejayaan ini juga turut didokong oleh tunjuk ajar dan sokongan daripada kumpulan alumni Unit Debat Bahasa Melayu UiTM Sarawak yang sentiasa memberi tunjuk ajar dan doa restu kepada pendebat.

Pertandingan yang bermula pada 12 sehingga 15 November 2015 dan disertai oleh 40 pasukan daripada seluruh IPTA dan IPTS seluruh Malaysia ini, turut mempertandingkan kategori Pertandingan Pidato Iban yang menyaksikan UiTM Sarawak yang mengekalkan kejayaan pada edisi kali ini. Hadiah telah disampaikan oleh Puan Norzaihan Hashim, Ketua Pusat Pengajian Pengurusan dan Perniagaan mewakili Rektor UiTM Sarawak serta pegawai-pegawai kanan UiTM.



Pertandingan akhir Kenyalang Debate Open 2015



Peserta Akhir Kenyalang Debate Open 2015



UiTM Sarawak dengan Piala Pusingan setelah diumumkan sebagai pemenang

UiTM SARAWAK JOHAN JESSELTON DEBATE OPEN 2015

Oleh: Mohamad Syafie bin Hamdin
dan Ignatius Nyalayang

Kemeriahan Pertandingan Josselton Debate Open berakhir dengan menyaksikan Universiti Teknologi MARA (Sarawak) dinobatkan sebagai johan dan naib johan setelah berjaya mengetepikan lawan daripada 16 Universiti Awam seluruh Malaysia. UiTM Sarawak A yang merangkul gelaran juara diwakili oleh Kapten Pasukan Ignatius Nyalayang (BM228), Matthew Michael Balo (AC110) dan Safri Sri Futimah (AC 110) telah menewaskan UiTM Sarawak B yang diwakili oleh Helmi Imran (EH 111), Mishyel Dority (AM110), dan Agnessia Dawen (AS110) di pertandingan akhir dengan usul "Isu Keselamatan Sabah Tanggungjawab Bersama".

Di peringkat separuh akhir, UiTM Sarawak A telah berjaya menewaskan UiTM Sabah dan UiTM Sarawak B pula telah menundukkan UiTM Shah Alam sebelum kedua-dua pasukan ini berjaya melangkah ke perlawanan akhir. Jurulatih Pasukan merangkap pegawai pengiring Encik Mohd Syafie Bin Hamdin, Penolong Pendaftar Bahagian Hal Ehwal Pelajar ini membawa pulang wang tunai, piala pusingan, piala iringan universiti, piala iringan peserta, sijil penyertaan dan sijil pencapaian. UiTM Sarawak menang besar setelah kedua-dua pasukan layak ke peringkat akhir mengalahkan 14 pasukan IPT lain termasuk UPM, UiTM Kelantan, UiTM Shah Alam, UiTM Sabah, dan lain lain.

Kemenangan kali ini juga lebih bermakna buat UiTM Sarawak apabila pendebat UiTM Sarawak iaitu Saudara Ignatius Nyalayang diumumkan sebagai pemenang tempat kedua Pendebat Terbaik Keseluruhan Kejohanan dan Saudara Safri Sri Futimah pula dinobatkan sebagai Pendebat Terbaik Pertandingan Akhir.



Pasukan Sarawak A: Safri Sri Futimah, Ignatius Nyalayang, Matthew Michael Balo.



Peserta UiTM Sarawak bersama Pegawai Pengiring, Encik Syafiee.



Suasana Pertandingan Akhir Josselton Debate Open 2015 antara UiTM Sarawak A dengan UiTM Sarawak B



UNIVERSITI
TEKNOLOGI MARA
SARAWAK

Corporate Communications & International Relations

Universiti Teknologi MARA Sarawak
Jalan Meranek, 94300 Kota Samarahan,
Peti Surat 1258, 93312 Kuching,
Sarawak, Malaysia

Tel: 082 - 677 200 | Fax: 082 - 677 300
E-mail: corporate@sarawak.uitm.edu.my
www.sarawak.uitm.edu.my